


Lider di fraccion di RED, Rudy Lampe

Exitoso encuentro cu Nadya van Putten na San Nicolas



ORANJESTAD - Pueblo di Aruba ta habriendo su curazon pa risibi mensahe positivo di Nadya van Putten. Nadya ta causando furor na Aruba y e ta un role-model pa nos hubentud, manera a keda demostra den su encuentro cu hobennan di Parlamento hubenil diasabra ultimo na Renaissance Plaza. Prueba di su popularidad ta e cantidad grandi cu a acudi na Club Bonaire pa topa personalmente srta. Nadya van Putten. Nadya actualmente ta miembro di 'gemeenteraad' Rotterdam y ta number 5 riba e lista di Groenlinks pa e eleccion pa Parlamento Europeo. Nadya ta di bishita na Aruba haciendo campaña mirando cu pueblo di Aruba pa prome biaha den historia por vota pa Parlamento Europeo dia 4 di juni proximo.

Su mensahe ta cu Aruba mester habri pa e mundo globalisa, especialmente pa Union Europeo. Hopi

suceso y decision na nivel di Parlamento Europeo tin un impacto directo riba Aruba. Mester busca alianzanan internacional pa proteha interes di Aruba. Ora Aruba tin un representante den Parlamento Europeo kende ta forma parti di e bloque di partidonan ambientalista, cu tin hopi influencia den Parlamento Europeo, esei lo juda vigila e interes di Aruba. E mensahe aki a jega na e curazon di nos pueblo. Ademá e ta enfatiza cu partidonan mester traha hunto pa e bienestar general. Hopi hende a bin conose personalmente Nadya van Putten, manera e portretnan ta ilustra. A reparti e formularionan di registracion pa asina nos ciudadanonan por inicia e tramitenan pa por vota. Esnan cu ainda no a registra, corda busca bo formulario na Censo.

Lider di fraccion di RED tambe tabata presente. RED y Groenlinks a forma un alianza pa promove e candidatura di Nadya van Putten. Tur dos partido ta sostene e idea di desaroyo sostenibel y ta na favor di bon gobernacion basa riba transparencia. Nadya van Putten a uni e dos partidonan aki rond di su causa. Esnan cu ainda no a scucha e hoben carismatico aki tin un ultimo chens diamars, 24 di maart, pa 7.30 di anochi den aula di Universidad di Aruba, unda Nadya van Putten lo

dicta un conferencia riba e importancia di Union

Europeo pa Aruba. Entrada ta gratis y e anochi informativo

aki ta den man organizatorio di Fundacion Elsa Coffi.